



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XLII. Vinearum monasterium in D. Constantiensi.

urn:nbn:de:hbz:466:1-11261

litantibus perpetualiter deseruiant. Si quis autem inuasor (quod absit) aut tyrannus hanc nostre donationis confirmationem irruperit, anathema sit à Deo, & mors super eum æterna veniat, viuensque in infernum per omnia secula cruciandus descendat, Amen.

CAPVT XLII.

*Monasterium S. Martini de Ferran in regno
Castella & Alterum S. Martini de Ihama.*

772. **F**undarunt id monasterium Paulus Abbas monasterij S. Aemiliani, Ioãnes presbyter & Munius clericus an. 772. in honorem S. Martini, S. Iuliani & aliorum Sanctorum.

773. Anno sequenti fundatum est ab iisdem monasterium S. Martini de Ihama. Ut tradit Sandouallus lib. de Foundationibus monasteriorum benedictinorum in Hispania.

775. Iidem fundarunt monasterium S. Romani de Doniscle anno 775. testibus iisdem.

CAPVT XLIII.

Vinearum monasterium in D. Constantiensi.

Potentissimum istud cœnobium non procul à Rauenspurgo imperiali in Sueuis ciuitate, in perueteri pago Altorff ad Schuffium amnem, eo ipso, sed paululum editi-

editiore loco situm, in quo antiquitus patria,
natale solum, & auita sedes Principum Al-
torffensium fuit, ac ex eorundem semine na-
torum Guuelphonum, potentissimorum o-
lim Sueviæ Regulorum; id, inquam, ex
arce Ducali in domum Dei conuersum, pie-
tatisque ac litterarum gymnasium esse cœpit
anno Domini circiter 800. temporibus ni-
mirum Caroli Magni, ex liberalitate ac mu-
nificentiâ dominæ Irmentrudis, illustris Co-
mitissæ, quæ nobilissimam voraginem Cro-
nissam & primos Guuelphones edidisse di-
citur; de quorum origine talis narratur
siue historia siue fabella, Vidisse domi-
nam Irmentrudim, quod paupercula quæ-
dam ciuis adiacentis oppiduli Altorffensis,
vno & eodem partu tres filios ederet; qui-
bus visis, dixisse eam, impossibile esse, vt
sine adulterij macula tot filios ex vno ma-
rito femina simul excipere potuerit, verè
esse adulteram, & adulterij poena dignam.
Ibi sequente anno etiam illam grauidam
factam, simul edidisse absente marito duo-
decim infantes admodum paruulos; timo-
re itaque & metu percussam, ne & ipsa
iam adultera esse existimaretur, iussisse
vt relicto vno tantum filio, reliqui in
proximum fluuium deportati abijceren-
tur. Hos dum ancilla in præterfluentem
rium Scherchium portat, venit casu, aut
Dei potius ordinatione accitus Princeps Al-
torffensis infantum verus pater, quærens
quid

800.

quid ferat ancilla; quæ cum responderet catulos esse; Videamus quæso, inquit Princeps, videamus amabò, si qui nobis ex illis placent, quos tolleremus. Ancilla ostensuram sese negans, ecquid istas sordes intueri velit Principem increpat. Is verò instat, puerosq; vndecim videns, paruulos quidem, sed egregia forma còspicuos, mox cuius sint inquirat. Audiens verò & discens ab Ancilla totam rei seriem, & (quare expositum traditi essent) causam, puellos siue catulos istos (quos nos Germani materna nostra lingua Vuelpen vocamus) molitori cuidam in ea ipsa vicinia habitanti alendos & educandos tradidit: ancillam ad heram cui abiectos infantes diceret, redire iussit. Postea elapso sexennio pulchre vestitos pueros in arcam suam afferri Princeps iubens; coniugem ecquid agnoscat hos quærit. Ibi ipsa deportatorum infantium memor, mox ad genua mariti procedens, veniam comissi petit: maritus ignoscit, & gratitudinis ergò pro diuinitus seruata tam numerosa prole in ipso Altorphensi oppidulo cœnobium monialium in initio in tantæ rei perpetuam memoriam cõstruit. Hanc istius monastici loci originem, hoc verum exordium esse nõ ex vllis quidẽ veteribus scriptis (Quid enim annotarunt? quid non potius neglexerunt somnolenti & ignaui illi superiorum temporum scriptores?) sed ex multorum senum (qui eadẽ sese à suis parentibus & maioribus audiuisse narrobant) non falsa relatione cõpertum habemus.

CAP.